

Samarbeidsavtale mellom Alver kommune og Industriutvikling Vest AS 2023-2024

1. Føremål

Alver kommune og Industriutvikling Vest skal samarbeide om å styrke arbeidet med næringsutvikling, innovasjon og entreprenørskap i Nordhordland generelt og Alver kommune spesielt.

2. Forankring og målsettingar

Samarbeidsavtalen skal medverke til å realisere mål og strategiar for innovasjon og næringsutvikling, slik dette er formulert i strategisk næringsplan for Alver kommune 2023-2035 med tilhøyrande handlingsprogram 2023-2024.

Samarbeidsavtalen skal også bidra til at Industriutvikling Vest AS kan realisere sine mål og strategiar for næringsutvikling, innovasjon og entreprenørskap, med dei satsingane som ligg i inkubatorprogrammet.

3. Hovudprioritering og oppgåver i avtaleperioden

Alver kommune og Industriutvikling Vest AS har eit felles mål om å stimulere til entreprenørskap og innovasjon i kommunen. Partane skal samarbeide om å nå målet om fleire gode gründerar, fleire vekstkraftige bedrifter og fleire innovative næringsmiljø.

Følgjande område skal ha særleg merksemd i avtaleperioden:

- Samarbeid og oppfølging av relevante tiltak og aktivitetar knytt til hovudstrategiane og eventuelle innsatsområde i strategisk næringsplan for Alver kommune 2023-2035, med tilhøyrande handlingsprogram 2023-2024. Sentrale stikkord er grøn omstilling, Fensfjorden, eksport, innovasjon og forretningsutvikling.
- Delta i samarbeid, informasjonsdeling og læring for å skape sterkare miljø
- Tett samarbeid i prosjektet «Greenspot Mongstad»
- Faste samarbeidsmøte for å drøfte felles utfordringar for næringsutvikling i kommunen, og det blir lagt til grunn tett dialog mellom Industriutvikling Vest AS og politisk/administrativ nivå i kommunen.
- Felles arrangement.
- Alver kommune disponerer kontorplass hos Industriutvikling Vest AS ved behov.

4. Tidslengd og økonomisk driftstilskot

Avtalen blir inngått for ein periode på to år; 2023-2024. På slutten av avtaleperioden blir det gjennomført ei enkel evaluering og vurdering av eit vidare samarbeid. Industriutvikling Vest AS tar initiativ til evaluering og prosess med fornying av avtale.

Alver kommune bidrar med kr 500.000 i driftstilskot per år i avtaleperioden.

5. Synleggjering av avtalen og informasjonsdeling

Partane skal informere kvarandre i god tid om milepelar og høve til å synleggjere samarbeidet. Industriutvikling Vest AS skal der det er naturleg synleggjere Alver kommune som bidragsytar til organisasjonen og aktivitetar.

Alver kommune deltek i aktivitetar og prosjekt som Industriutvikling Vest AS er ansvarleg for etter nærare avtale.

6. Rapportering

Partane legg opp til ein nær dialog gjennom regelmessige møtepunkt mellom samarbeidspartnarane. Partane møtest minst to gongar årleg for informasjonsutveksling. Møtetidspunkt er før 1. april og 1. oktober. Alver kommune ber om å få tilsendt ein enkel årsrapport og eventuelt anna rapportering eller oppdatering.

Stad og dato:

For Alver kommune

For Industriutvikling Vest AS

.....

Ordførar

Sara Hamre Sekkingstad

.....

Dagleg leiar

Børge Brundtland